

明善堂詩集

明善堂詩集卷二十一目錄

甲戌

初春見雁

春曉

春雪

雨中卽興

春日園中午睡後卽事

暮春夜偶成

端陽喜雨園中拈明人水村韻

午睡

浴後月下偶成

月下口占

秋日偶吟示內二首

明善堂詩集卷二十一 甲戌

初春見雁

麗日晴烟散 紫宸和風初上柳條新雲泥不礙  
天山路歸去穹廬及早春

春曉

早起西窗曙色深一簾晴景漾花陰金鳧香暖春  
寒薄坐聽幽禽自在吟

春雪

料峭輕寒逼曙窗捲帷練色似澄江鴟夷已負尋

春約自發春醅倒玉缸

雨中卽興

枝頭風送雨紛紛亂點平池破纈紋欲過板橋行  
屐滑數聲山鳥隔溪聞

檻外濛濛浥綠蕪花間鳥語喚提壺試乘釣艇青  
溪曲不覺春波起鷺鳧

春日園中午睡後卽事

春到芳園靜不譁池塘新草綠無涯幽禽喚起山  
齋夢逝莫亭邊樹影斜

水面風迴漾碧紋沙汀罷釣採香芹開尊自喜傾  
春釀爲洗梨花一片雲

暮春夜偶成

柳絮飛時正暮春鞦韆院落靜無人池塘綠滿魚  
兒長梁上泥融燕子新井撼轆轤天欲曙鳥鳴布  
穀雨初勻道人已悟尋花夢惆悵芳菲陌上塵

端陽喜雨園中拈明人水村韻

林烟罽歷藏山麓飛雨沿流沒石缸菡萏漸看青  
出水來牟先見秀成雙綠抽竹篠吟湘浦紅濕花

枝賦錦江不獨廟堂應誌喜農歌早已唱無腔

午睡

綠蔭庭槐暑氣清黑甜一枕效莊生花窻風細無  
人到睡起新披白紵輕

浴後月下偶成

葛衣被體嫩涼生起步庭除竹影清絳闕雲銷河  
漢轉玉輪光滿露華傾最宜風好人航坐况是花  
香夢不成憶得東坡老居士一般景物倍關情

月下口占

元蟬咽露晚涼生獨坐支頤聽短更柳外銀蟾窻  
外竹西風一夕作秋聲

秋日偶吟示內

桐陰滿院寂無譁欹枕新涼掩碧紗紅蓼白蘋無  
限好試將團扇寫秋花

淨掃煩囂養谷神怡然一室得天真知君倦繡西  
窻下淪茗分嘗碧乳新



明善堂詩集卷二十二目錄乙亥

新正二日試筆

初春園中偶興

春日同內人園中閒眺

春遊郊園卽事二首

春雪

同內人登山晚眺偶吟

春日西軒漫興集歸去來辭

明善堂詩集卷二十二 乙亥

新正二日試筆

律轉青陽候欣迴大地春和風吹紫陌佳氣播洪  
鈞閭闔開千戶雕盤薦五辛椒花初獻頌長此樂  
芳辰

初春園中偶興

凭欄騁目昇高望澹沲春山暮靄濃小苑草萌風  
習習方塘冰泮水溶溶南樓簫管開新燕西崦雲  
霞弄晚容添得詩情無限好焚香展卷坐高春

春日同內人園中閒眺

踏青初見草痕新  
女伴相將步軟塵  
閒過板橋徙倚處  
綠池風暖水鱗鱗

春遊郊園卽事

遙山青靄接平蕪  
雨過郊園百卉蘇  
蹀躞金牛隄上路  
綠楊烟穗滿明湖

昆明湖

其二

草沒苔紋護綠雲  
芳園春色已平分  
碧桃如醉初含笑  
不覺耽吟到日曛

春雪

谷風俄變律朔雪釀春寒  
漸濕萼芳徑初融種藥  
闌貫珠垂柳帶剪綵綴冰  
紈歸雁迷雲路遷鶯戢  
羽翰開筵邀白戰折柬恣  
清歡五出還同潔梅花  
可共餐

同內人登山晚眺偶吟

西日斲山紫翠長林鴉幾  
點正昏黃踏青歸去人  
無數風靜烟輕罩野塘

春日西軒漫興集歸去來辭

日涉人成趣，歡迎僕候門。  
無心雲出岫，寄傲酒盈樽。  
容膝琴書樂，怡顏松菊存。  
欣欣榮萬物，春事向

西園

明善堂詩集卷二十三目錄

丙子

和德松如學士遊盤山韻十首

題便面折枝梅花二首

題偏面過墻梅花二首

丙子冬偶題

祝裕親王

太妃六十壽

明善堂詩集卷二十三

丙子

和德松如學士遊盤山韻

一雨山椒積綠陰，縈迴石路漫幽尋。  
天成高處渾無物，見我圓靈寂淨心。

幾疊芙蓉形類削，誰張翠障倚雲屏。  
屏顏五老如相見，欲話洪濛會一亭。

棲息當年境最幽，游人猶自說田疇。  
寥寥雞酒今千載，無限興亡一點頭。

徑轉峯迴關一村，中盤古道剝雲根。  
居人疑有秦

時客自種山田貽子孫

崢嶸樓閣碧波中雲去雲來一逕通  
更上層臺最高處冷然直欲御天風

石溜淙淙畧約橫松陰藹藹嶺雲晴  
循崖步履諸方靜時聽幽禽格磔聲

柳綿如雪暮春時無限溪山只付詩  
欄草巖花看未足櫻桃枝上罥游絲

拙菴遺蹟閒憑弔茅屋青溝二兩家  
四大本來無一物不須燒木問丹霞



薊鎮應推第一山  
衛公遺蹟白雲間  
老僧不管前朝事  
飽聽松風補衲閒

中禁詞臣興若何  
琳瑯佳句振巖阿

鸞輿幾度巡遊處

睿藻騰輝映薜蘿

題便面折枝梅花

孤山元墓留遺跡  
庾嶺羅浮淨遠塵  
輸與畫工能肖物  
粉痕香雪十分春

清姿誰向籬邊折  
素影宜從月下看  
髣髴林逋歸

去後晴風空教倚闌干

題便面過墻梅花

炎天忽訝雪精神  
賸粉殘香寫更真  
搖落不須歌九辨  
畧分春色到芳鄰

月光掩映橫斜態  
冷蕊疎枝傍短墻  
試問梅花誰是主  
半留風裏度寒香

丙子冬偶題

凍雲凝素擁山坳  
馬上吟寒異灞橋  
更憶杜陵風

雪夜不知吹折幾重茅

少陵詩吹我屋上三重茅

祝

裕親王

太妃六十壽

蓬山東望海雲升絳甲  
初周算又增願奉瑤卮祝  
金母闐風千尺玉峻嶒

明善堂詩集卷二十四目錄

丁丑

恭和

御製元韻

重過水月禪林復和前韻

清明前二日雨窻偶興

催粧

落花

瓶杏

題鸞枝丁香木香三色畫扇

花朝全內子賞月

題荷花便面

雨窻寫抹利圖復成小詩恭進

母妃

築園建除體

敬題繡菊屏風壽

母妃

秋明四兄壬申萬柳堂之遊索其畫扇兼成

十韻

戲成藥名離合體二首

夏日至園雜興四首

偕內人池上賞蓮作歌

採蓮曲十二首

遊萬柳堂遇雨寄秋明四兄二首

廿一叔以大熱行佳章見示走筆敬和元韻

將獵塞垣喜獲良馬二首

集秋聲賦立秋夕作二首

臘後卽事

恭和

廿一叔雪窻雜咏

雪意

初雪

雨雪

風雪

聽雪

踏雪

雪逕

雪屋

雪邨

雪寺

雪山

雪江

雪溪

雪篷

雪樵

雪漁



雪松

雪竹

雪梅

雪月

雪鴻

雪鶴

煮雪

嚼雪

積雪

晴雪

殘雪

掃雪

再雪

賦雪

明善堂詩集卷二十四

丁丑

恭和

御製元韻

萬國咸寧玉燭調  
莫開一莢慶今朝  
陽生

舜殿同賡舞瑞祝

堯塔共頌椒樂奏  
鈞天盈

陞砌春回大地遍  
窻寮

小臣

沐澤趨鵷列律轉  
風光

四海饒

重過水月禪林復和前韻

一徑支筇叩梵林，維摩十笏畫愔愔。  
花開優鉢非塵韻，鳥嚙迦陵靜客心。  
已惜風光全過隙，暫臨禪悅滌凡襟。  
十年稅駕重回首，壁上濡毫和舊吟。

清明前二日雨窓偶興

冥冥花雨淨塵埃，漠漠春陰晝不開。  
惟有一雙新燕子，辛夷花發始歸來。

催粧

薰篝熱盡海南香，螺子新描偃月長。  
粧罷嬌羞依阿母，低回無術避蕭郎。

落花

西軒一雨曉濛濛  
燕子池邊度柳風  
花事芳菲春已半  
碧桃零落滿階紅

瓶杏

紅酣見說西山麓  
健步移來二兩枝  
試看枝頭春色滿  
尙書佳句太情癡

題鸞枝丁香木香三色畫扇

嫣紅攢細蕊  
香雪結長條  
掩映何郎面  
薰風莫動

搖

花朝全內子賞月

月滿清宵花滿枝雲鬟香霧影離離坡仙有語君  
知否最是閨人善解詩

題荷花便面

千葉會開太液池風微露冷墜燕支齊統半展如  
明月誰寫凌波仙子姿

雨窻寫抹利圖復成小詩恭進

母妃

烏皮几滑淨無塵點綴繁枝偶效顰好是漫圖恭

進候

慈顏一笑物皆春

築園建除體

小園新築藉人功  
除芟瓦礫平其中  
滿塘淨綠引  
泉脈平鋪明鏡磨  
青銅定知好景借  
籌畫執役興  
事趨西東破石立礎  
起臺榭危樓俯瞰馮  
夷宮成  
之百日亦非易收將  
萬象分天工  
開筵用犒燕雀  
賀閉關待月吟春風

敬題繡菊屏風壽

母妃

枝枝繡出凌霜質  
點點秋光集錦屏  
翠栢千尋芝  
五色瑤池同獻祝  
遐齡

秋明四兄壬申萬柳堂之遊索其畫扇兼成

十韵

聞說城南好名園  
集繡鞚

其地元廉希憲別墅

輕塵拂馬足

茂草墜花鈿節近三陽候  
人逢尺五天  
鄒枚偕上

客班馬繼前賢  
柳隱垣邊寺  
花迎磯畔船  
相君會

顧曲

元趙松雪會題新詞

遊女亦歌蓮

時歌伎劉氏曾唱雨打新荷曲

野膳



供銀鬣芳筵漱玉泉宮商傳雅租絃管鬪清妍樂  
事吾無與豪吟君有焉蘭亭圖粉本妙手倩龍眠

戲成藥名離合體

烏梅作飲更加冰片刻輕雲帶雨生地上莓苔當  
路滑石闌西畔摘金櫻

梔子花香月一鈎藤蘿架畔望牽牛旁人教采藤  
蕪草果結庭中安石榴

夏日至園雜興

避暑閑園景物幽放舟時作五湖遊持竿倚棹松

亭下蓮葉蓮花滿釣洲

小亭突兀結山坳  
欹枕濃陰翠栢交  
野鳥無心驚  
午夢頓教煩暑一時拋

蒼松偃蓋峙遙峯  
一派蟬聲下夕春  
坐待晚涼新  
月上蕭蕭鄰寺動疎鐘

短橋才過復長橋  
晝畫溪山入望遙  
試聽五雲深  
處好銀箏翠管下青霄

偕內人池上賞蓮作歌

陂塘漱灑清風涼  
亭亭翠蓋紅蕖芳  
綠浮點點散

萍葉鴝鵒白鷺相翱翔去歲池中栽白藕今年水  
面開新粧菱歌試發若耶曲齊拋皓腕爭鳴榔涼  
颺微動送清芬的皜跳珠送雨雲擘毫索句儘快  
意詩成亦足張吾軍君不見少陵昔日窮歡賞曲  
江翠幕排銀榜又不見青蓮才筆凌九州玉簫金  
管坐兩頭風流邈矣今千古無限閒情對水鷗

採蓮曲

棹湖東兮棹湖東岸柳絲絲逗晚風採得蓮花新  
雨後晴霞一片夕陽紅

採芙蓉兮採芙蓉芙蓉雖好不如儂君看一陣西  
風起墜粉殘香何處逢

泛清江兮泛清江菡萏花開傍水窻折得一枝雙  
並蒂晚粧臨鏡剔銀缸

漾漣漪兮漾漣漪碧紗衫子籠香肌女伴相呼揚  
桂棹灘頭風靜已多時

鷓鴣飛兮鷓鴣飛方塘水長鯉魚肥試擲金鈎才  
釣得一聲撥刺濺羅衣

意躊躇兮意躊躇手摘蓮房試問渠藕斷於今絲

不斷可知蓮子不同居

路縈紆兮路縈紆曲岸晴沙集鷺鳧撐向荷亭最  
深處大家悄悄唱吳歛

過湖西兮過湖西蓮葉蓮花一剪齊戲水蜻蜓飛  
上下回看又是夕陽低

樂無涯兮樂無涯風光何限巧安排摘得雙花笑  
相語試將新樣繡羅鞵

詩思催兮詩思催濃雲送雨般輕雷一陣狂飈翻  
翠蓋珠琲百斛瀉成堆

拂青蘋兮拂青蘋一雨初晴綠更新水面斷虹明  
五色西峯落日見紅輪

結芳羣兮結芳羣依約歸時日已曛採得花枝紅  
映面衣香人影亂紛紛

遊萬柳堂遇雨寄秋明四兄

雁字堂中雨似秋名園六月境偏幽當年風景依  
然在誰唱新荷曲姓劉

柳塘花塢路迢迢着眼風光物態饒好事于今應  
屬我更誰冒雨踏溪橋

廿一叔以大熱行佳章見示走筆敬和元韵

炎官受謝初秋天餘威鑠體難晝眠長空赫赫懸  
火鏡但聽衆木喧鳴蟬道傍役夫汗頰肩老槐出  
火生青烟輕綃被體尙如炙詎能灑濯清冷泉佳  
章忽墮青霄邊使我展讀心致虔淋漓筆勢挾風  
雨洗蠲煩熱因瑤扇效顰未免愧黃絹選勝還期  
河朔宴庭前尙植翠琅玕案頭幸有紅絲硯碧筒  
芳醕注玉壺涼堂夜靜暑氣無已爲拂拭綠玉枝  
乘輿重披摩詰圖

將獵塞垣喜獲良馬

五花蹀躞四蹄驕逐兔何愁山徑遙今歲蒙

恩隨豹尾坡陀直上看騰超

騰驤六尺被銀韉試控金羈踏九邊搏獸身輕若  
飛鳥驂騮原自不須鞭

集秋聲賦立秋夕作

皎潔明河一氣清書聲切切共秋聲無情草木悲  
零落棟聽西方金鐵鳴

天高月皎人聲寂慘淡烟霏雲歛容四壁秋蟲聞



唧唧蕭條葉脫木葱蘢

臘後卽事

深沉院宇意閑閑皓月真全鏡一般歷落鐘聲聞  
坐側縱橫梅影寫窻間向人好景吟詩倦著眼塵  
氛力盡刪漸覺新陽破殘臘且憑尊酒注酡顏

恭和

廿一叔雪窻雜咏

雪意

策策嚴風逼蕭蕭落葉飛舉頭空際望時見晚鴉

日下生言集  
卷之二十四  
歸

初雪

聖治八方全體天心六出應時定識堯民擊壤還宜  
郢客徵詞

雨雪

霖霖初看碾玉沙霏霏庭樹旋生花窻明忽訝寒  
聲急無數修篁搶地斜

風雪

萬壑有哀吟雲霾積夕陰鷺毛初墮砌羊角觸楓

林折竹寒逾重，敲窓夜更深。  
蕭君應稅駕，無復逐原禽。

聽雪

一枕黑甜清夢幽，蕭蕭索索盈高樓。  
北風打窓如敗葉，忍寒起坐披重裘。

踏雪

騎蹇足戴籜冠，登秦嶺過函關。  
自可吟詩灞水阿，誰勒句天山。

雪逕

一峯如插笏樵客時趺躄三枝兩枝梅千山萬山  
雪

雪屋

吾廬本無譁况復臨冰池雪埋無客至時共細君  
棋

雪邨

邨前不見路縱橫籬落遙看眼倍明最喜鄰家新  
釀足無愁縣吏索租行隴頭宿麥連雲秀嶺上孤  
芳吐玉英

聖澤陽和資化育老人擊壤慶昇平

雪寺

披雪尋雪竇踏雪訪雲門清磬松陰裏冷然報夕昏

雪山

積素滿層巒漫山飛白羽珍重採樵人林深有饑虎

雪江

皓皓江波靜漁舟一葉孤依依雲影沒瑟瑟練光

鋪吳楚銀爲帶金焦玉可沽羊裘垂釣者踪跡任

江湖

雪溪

茗雪寒波渡膠舟向此中游儵冰底集宿鴈蓼洲  
通漁火明前浦酒旗搖暮風試看溪上月森森浸  
虛空

雪篷

泊處炊烟乍起望中鴻影旋歸天際遙看突兀雲  
中猶自紛霏

雪樵

凍泉丁東凍雀鳴嚶凍嵐黯淡凍澗清冷萬壑皆  
集玉千峯不露青號寒伐柯冷伶仃

雪漁

的皪蘆汀似撒鹽試携笱箸捕魴鮎一聲欸乃拋  
銀浪幾曲縱橫泊素巖未免羊裘多物色何如簟  
笠覓青帘孤篷宿處誰能辨極目皚皚掛夜蟾

雪松

玲瓏積素玉爲峯不羨秦官五粒封尙有之而干

尺勢白雲堆裡見虬龍

雪竹

嶙峋玉節最珊珊晚翠虛心耐歲寒  
一夜北風搖素影枝枝低壓拂雲竿

雪梅

峻嶒鐵骨敵嚴寒香冷風清亞玉干  
最是伴人吟處好夢殘酒醒月中看

雪月

朔吹冷嚴城蟾光一鏡瑩同雲收  
萬里疎柝報初



更籬畔篩梅影樓頭擲笛清淨明心與共相對已  
忘情

雪鴻

鴻爪東西沒初從江漢迴雲中無片影嘹唳數聲  
來玉帳防秋急金笳出塞哀蘆花鄉夢冷霜重翅  
難開

雪鶴

梁園舞漢苑翔映皓態集素裳孤山玄圃風高霜  
泣六出清吟九臯下顧

煮雪

霏霏石砌鋪瓊屑  
謾謾松風淪茗爐  
鱗眼試看融  
素液虬鳴側  
聽瀉膏腴且吟巧匠斲  
山骨不用坡  
公調水符何似藍橋逢  
絕艷一甌應變玉肌膚

嚼雪

欲試囊中法聊同沆瀣餐  
最勝瓊屑軟應敵齒牙  
寒艷色堆銀盃  
清輝映玉盤  
陽春從儷曲幽潔擬  
倚蘭

積雪

迢遞延南陌參差擁北鄰阿誰披鶴氅疑是謫仙人  
莫使牛羊踐相看到好春

晴雪

雲收山一桁入畫無不可烘簾晝漏清呼童爇沉  
火

殘雪

南榮懸溜滴人意喜初晴嶺上一峯秀墻頭數點  
明未能全至潔無乃質虛輕碧瓦銀泥合真同刻  
劃成

掃雪

清絕宜烹雲竇茶呼童縛帚效陶家銀鑰獸炭紅  
爐沸細煮簷前六出花

再雪

寒雲布長空再雪平將凹與垤紛紛占盡東西陌  
莫使牛羊傷至潔亭亭不見蒼嶺松人在冰壺淨  
澄澈朱甍碧瓦光參差璀璨珠光凝貝闕雲母屏  
風眼倍清峯粲滿徑飛璫霰天公玉戲遣玉女笑  
騎白鳳來瑤京君不見宋時歐陽子聚星堂中讌

雪賦禁體又不見風流蘇子由宛邱學舍小如舟  
向晚不肯住盈尺已堪度吐芳詞酌醇醕詩俠憶  
劉義奇情詠冰柱懷金爲壽長者去

賦雪

天地運神工追琢過脂璧忍寒因所好愛雪乃成  
癖曾讀北風篇莫挂山陰席玉龍翔寒林鹽虎墮  
崖石庭樹散瑤華洪爐融素液無衣念遠人懷歸  
憚行役炙面具芳醪軟脚迎素客曉粧慙玉顏夜  
色爭皓魄岑寂問梅花特立異松栢六出表幽貞

八義賦禁格萬方霑

聖治四野被天澤沿邨沽鴟夷極浦凍漁柵翠帷秉  
明燭金爐蒸蘭麝差勝黨家人詩成浮大白

明善堂詩集卷二十五目錄

戊寅

新正試筆

新正再過外舅茶話口占

和果王韵送二姨丈之盛京副都統任

外舅出鎮榆關詩以送之

踏燈詞四首

朝罷口占

送秋明四兄奉使塞外

雪霽西軒春望

復成二絕句

春社

戲和鶴亭有憶韻

過墻杏花

暮春園中偶興

咏睡 一字至七字

咏牡丹 得紅字

柳絮詞次薌嬰居士韻十首

初夏玩月用錢澄之硯銘韻七絕句



題畫扇

恭輓

慎王叔父四律

題秋明四兄菊譜後

秋日燕子樓閒咏用香山韻三首

禁直月下偶成

中秋前二日夜雨

得蕭字

望後二日

得調字

季秋朔贈鶴亭卽次其訪僧不遇韻

園中菊花喜折注瓶置之肩輿

復寫臨水梅枝戲題一絕贈益菴姊丈之江

寧將軍任

明善堂詩集卷二十五

戊寅

新正試筆

瑞雪徵豐兆時熙樂事多  
唐花春色麗椒酒玉顏  
醅獻歲新陽動佳辰淑氣和  
蘭陔喧笑語綵勝貼  
紅羅

新正再過外舅茶話口占

去正閒暇接清言悃欵情深至  
夜分燈市兩經春  
夕景歸途爭看又紛紛

和果王韵送二姨丈之盛京副都統任

鬱葱佳氣滿

興京家世中朝舊有聲  
琢句五言同謝客  
臨池八法逼真卿  
黃雲隴上人多感  
木葉山前月倍明  
回首不堪離別處  
蒼松帶雪憶風清

外舅出鎮榆關詩以送之

胸次人稱富甲兵承

恩銜命控神京  
旗常舊屬朝中望  
節鉞新看闕外榮  
玉帳遙臨滄海濶  
紅旌不動雪霜清  
欲賡飲馬長城句  
送別東郊無限情

踏燈詞

燈綵家家賽上元月明臺榭管絃繁星橋火樹光  
華亂無數香車繞禁垣

輕寒不畏夜闌干試聽銅龍玉漏殘共說太平風  
景好衢歌一曲萬人歡

弛禁人人燈市過銀花看罷聽秧歌最嫌酒後輕  
狂子騰沸聲中爆竹多

恩波直與海波寬百戲傳呼萬姓歡更有六熬烟  
火處天街五夜任遊觀

朝罷口占

紫宸朝罷日曛曛  
車騎聯翩踏軟紅  
上苑春回殘臘盡  
雪融烟暖鳳城東

送秋明四兄奉使塞外

皇華新咏敢辭勞  
叱撥初調氣概豪  
羌管一聲催細柳  
塞山千疊湧雲濤  
兄之出矣情何限  
弟所思兮首重搔  
行役漫嗟歌陟屺

慈闈定省季應搯

雪霽西軒春望

雪霽天融院宇清艷陽景色午山橫踏青陌上春  
泥滑載酒湖邊碧漲平花萼柳絲爭旖旎蜂游蝶  
舞競輕盈蕭齋永日閒憑檻手拗寒香仔細評

復成二絕

西嶺嶙峋列黛屏春回小草盡含青和風釀得天  
桃醉却笑溪邊柳眼醒

冰泮春池漾碧漸渟泓一勺浸玻璃天光倒影歸  
鴻度滿幅雲牋好寫詩

春社

風和日麗艷陽天觸眼韶華却可憐弱柳生稊迎  
座碧天桃含笑伴人妍踏青歸去嬉春社蹴鞠同  
來樂禁烟折東西園邀韻客鶯花藉坐擘檀箋

戲和鶴亭有憶韻

風前楊柳猶含態井畔桃花作好春觴撥當年無  
限事東陽憔悴爲何人

過墻杏花

東鄰初見一枝斜馬上墻頭勝若耶蹴踏軟紅塵  
十丈回看真似霧中花



暮春園中偶興

瀟灑閑園裏風光九十妍  
漫斟婪尾酒同上木蘭  
舡解籜篁粘粉飛花柳  
散綿鳥歌榆莢雨蛙鼓  
夕陽天勝地宜觴咏清吟  
入管絃蘭亭追勝概鬢  
效前賢

咏睡 一字至七字

睡睡晝長無事黑甜鄉  
宜薄醉栩栩莊生飄飄蝶  
翅萬慮暫消除一身無繫  
累榮辱不識不知憂喜  
無真無僞千年踪跡問希  
夷四大空虛猶夢寐

咏牡丹

得紅字

明霞簇簇映簾櫳宿霧初收春色融才愧江淹難  
得句畫如延壽莫能工繡衣尙帶天香染翠蜀頻  
霑瑞露叢歷遍羣芳呈爛熳仙花不數鶴林紅

柳絮詞次薊嬰居士韵十首

闌珊花事咏殘詩步履金塘景却宜鸚鵡聲中春  
又暮綠窻新譜謝家詞

金粉飄零額上黃人間無復返魂香相看桃李皆  
成夢似剩梨英集畫堂

樓頭橋畔罨斜暉飄忽無風也自飛曾博麗華一  
含笑輕狂又見點人衣

東西陌上正參珍波面因風隨蔚藍燕子銜將窠  
裏去令人惆悵憶江南

一幅江天飛雪圖評吟祇覺費工夫垂簾倦放丹  
青手夢逐楊花泛五湖

上巳才過花信風輕盈新綴畫樓東黃蜂紫蝶飛  
來數却惹游絲入繡櫳

結習年來漸向微空花無蒂漫因依而今勘破虛

空理一任紛紛墮四圍

亂鋪野徑傍斜曛一片因風入牧羣  
詰曲莫愁歸路黑杖藜行處踏殘雲

綠波歸去是生涯故土無情那不懷  
一曲耶溪應更好何年子美踏青鞋

瀟灑紅蘭實可師紫幢居士共當時  
試賡白雪千秋調樂府新翻柳絮詞

初夏玩月用錢澄之硯銘韵七絕句

清和朗月坐冰壺翠柏陰森上碧厨  
乘興直須携

客往滿船絲竹泛明湖

魚躍波心響碧潭珠宮貝闕夜光含清宵坐徹銀  
壺漏起着三星在戶南

華子岡頭鶴夢閒襤襪皓羽繞池灣一聲清唳九  
霄上飛向孤亭杳靄山

板橋迤邐如飛翼楊柳扶疎清蔭側漠漠湖光照  
坐人屋梁落月疑顏色

近來百事惟耽惰好景今宵不忍臥吟遍錢郎七  
字詩湖南山色如同坐

十里晴光映水空  
纖波不動夜無風  
一輪皎月遙相印  
影瀉山河碧落中

山亭無事靜搢頤  
滄苔心清風度遲  
喜是園中對金鏡  
滿階花影竹陰移

題畫扇

摩詰清裁詩似畫  
鄭虔二絕畫兼詩  
平田畧約通茅屋  
野店荆扉颺酒旗  
山作脩眉橫黛色  
水如羅帶繞青縈  
臥遊聊伴閒生活  
添得扁舟一解頤

恭輓

慎王叔父四律

向夜驚聞訃

薨于五月二十一日戌時

難禁泪眼涓再來知底

日忽逝嘆茫然墨妙追三絕精誠達

九天賢聲應不朽青史炳他年

晨夕趨

宸禁隨行被德輝

余隨叔父行走內庭已二十年矣

鴻猷襄

廟算淳意樂天機力盡縱橫腕

叔父書畫絕妙尤善劈窠大字

音沉

咳吐璣梁園長寂寞

仙馭杳何依

儒雅推壇坫宗藩罕比儔春風含妙緒

叔父有春風篇詩旨

甚奧冬雪共賡酬

去歲有咏雪詩命余和

玉版名鐫貴銀潢水

咽流鄒枚多舊侶遺範嘆何求

夙叨猶子愛同本感情真勝集東山謝私忘第五

倫琴書留舊澤園寢泣行人提訓言猶在終當敬

佩紳

題秋明四兄菊譜後

大塊錯綺繡春華與秋英春華易零落秋英疇比  
榮冉冉霜天菊秀色東籬呈東籬饒異種繁艷著



佳名可以滌塵俗對之酌百觥在昔陶彭澤采摘  
秋山清遇物得真契亦足寄幽情悠悠千載後繼  
美惟吾兄

秋日燕子樓閒咏用香山韻

樓頭白鴈警初霜懶蕪香篝臥綺床不耐滿簾秋  
月迥照人偏覺此宵長

河漢欹斜月墮烟蘭膏宵永尙依然夜臺爲報知  
音客惆悵西風又一年

容華如水去難回燕子樓中舊燕來却恠侍郎詩

太促芳心焉得不成灰

禁直月下偶成

禁垣爽氣澄秋月樓閣玲瓏絕點塵一榻清吟誰  
是伴夜深風露獨侵人

中秋前二日夜雨

得蕭字

秋半雨瀟瀟西窓夜寂寥暗蛩聲斷續落木徑飄  
蕭殷殷輕雷送淙淙簷溜饒明朝憑短棹野水正  
平橋

望後二日

得調字

蛩殘燭冷伴清宵星斗闌  
干漏正遙露色熒熒天  
宇淨桂花冉冉暗香飄  
金飈入座涼秋袂壁月窺  
人映翠翹最愛捲簾耽  
默坐誰家歌管夜深調

季秋朔贈鶴亭卽次其訪僧不遇韵

捲帷西嶺畫圖間夕翠朝霞滿碧山  
自我愛閒長閉戶多君情好獨相關  
脂車延客期重往蠟屐尋僧擬共攀  
欲問湯休暮雲句烟蘿瓢笠不知還

園中菊花喜折注瓶置之肩輿

朝回乘輿踏山隈無恙黃花滿徑開  
露色侵衣穿

嶧嶠秋光照眼上樓臺舜華漫擬同車好秀色真  
看並載來携得幽香盈兩袖落英還共泛金壘

復寫臨水梅枝戲題一絕贈益菴姊丈之江  
寧將軍任

之官吳會風流地品格梅花好共論驛使若來鈴  
閣下江南先報一枝春